

115 年全國語文競賽臺灣原住民族語言朗讀文章 【北排灣語】 國小學生組 編號 3 號

guljugulj

kemeljang mun tua guljugulj ? na qucengecengel saka kudresudresul a rariq. takudral tua qaivaveng. tuki patjemusalj a vulungan nu tja qacepangen. sekiamav tua bereng a izua tequng uta ljakua tadrikitj niamadju. kasicuayan mamav tua “paukemeng” aya a kivangavangan nua kakedriyan.

kumalji a na vatu na cawcau nu caqi tjengelai tiamadju. au caqi na ljuang tjaljatjengelai taimadju. semanumaq sa pualjak sa kemakan tiamadju itua caqi na seljenguaq a mapuljat. inika ljemita ta qadav a serupaq tua caqi itjen lja semuasup a kisamulja a guljugulj. manasika paqaljau nu napacun sun tjaiamadju.

nu kaljauration a makakipaday sa naquaguagu anga i vavua. tara izua matjatjaivilivililj a veliqaliqad tua caqi sa kemikim tua guljugulj a kakedrian. izua nu puqimang manlima a na djemumak. tjaljananguaqan a kudrakudralan lja tjapupicul.

aicu a muri malalumalj kipepu a kakedriyan sa semapesap tua luvang a tasimatjelj ta kalapekapan a pasaqaca. pizuain i luvang sa ljemaqelja tua djilj

ulja kembung a guljugulj niamadju. ka qemacevung maqaquljuc saka matjatequng a guljugulj. isauniuni mapeljuqanga qemauqauqaw ta “zangalu! zangalu! zangalu!” aya kakedriyan i vavua. azua namaviladj nasetjelangalj ki makiru anga. ivililjanga amin na tjaljapupiculan a namalingdjelj i luvang a guljugulj. au na paquziquzip tuaza guljugulj a kakedriyan, namicaqiyan timadju tja seljingaljinga a marekaqali. izua nu marivu sa maqaquljuc a mapuljat. savid a qipu kata beneq i kinacavacavan matu guljugulj. kamatjumaq kirivuanen nua vavulungan namayatucu “anema kakedriyan namayatjanusun savid a sasequan matu puqacangan?” “izua ! ti ljaljaqu a ljaqediqedi!” tjau ka temavela a cemuliculi sinipasiqitjenagna. patjetucu napenadjalim nu kinemenem itjen.

tucu savid a tinuvulj sema kikai a vavua. mavekeljanga paquzipquzip tua ljuang. manasika kedri a namakadjumak a guljugulj i vavua. situcuan a cavilj maljiyananga a kivangavangan na kakedriyan uta. savid a “app” aya “wang lu yu si” aya! mavekelj a kemeljakeljang tua guljugulj.

黑蜣螂（黑糞金龜）

黑蜣螂是我們這一代人的「寶可夢」。它利用糞便建立家園、產卵和進食，我們要謝謝於牠努力的清掃。在稻子收割後的秋天，小孩們會仔細翻找，運氣好的會找到大隻的，成為王牌。對戰時在地上挖一條淺坑，牠們會像鬥牛般互頂，加油聲響遍田野，直到分出勝負，有時有人不服輸而打起來，打的混身泥。回家挨長輩罵。想來真是令人莞爾。

機械農具出現，養牛的人少了，黑糞金龜也不常見了，新時代的遊戲興起，沒幾個人知道黑蜣螂是什麼。